



Nuuk, 14. april 2015

Inatsisartut suleriaasiat § 37 immikkoortoq 1 naapertorlugu matumuuna Naalakkersuisunut apeqqut imaattoq saqqummiuppara:

Naalakkersuisunut apeqqut:

1. **Apeqqut nr. 2-mut Naalakkersuisoqarfiup akissutaanut tunngasoq. Piffissap suup iluani nunaqavissut qinnuteqarnissaminnut periarfissarinikuugamikku tassani piffimmi?**
2. **”Aatsitassarsiortluni misissuinissamut pisussaaffik” sumut tunngava? Apeqqut 3-mi akissummi eqqartugaq.**

Annikitsumik aatsitassarsiortut ukiumoortumik 1.000 kr-mik akiliuteqartarput 1 kvm-imut. Imaappa taava nunaminertamik ”pisineq” allamiut suliffeqarfiutaannut akikinnerusoq, nunaqavissunut sanilliutissagaanni? North Gems-immi 63 kvm 39.100 kr-ilersimammagu.
3. **Naalagaaffimmut nalunaarutigisartagassat, apeqqut 5.**
 - a. **Namminersorlutik Oqartussat aamma naalagaaffimmut nalunaarusiortartussaappat? Tassani pineqarput annikitsumik aatsitassarsiortlutik atuinissamut akiliutigisartagaanniit, taavalu isertitaanniit.**
4. **Apeqqut 6-imi akissummi paasinarsivoq ukiut 30-t sinnerlugit piffiup pisuussutai naluneqarsimanngitsut. Naalakkersuisoqarfiup innuttaminnut inuussutissarsiutigineqarsinnaasutut ussasaarutiginiuuua?**
5. **Akissummi nr. 8-mi akineqarpoq ujaqqat erlinnartut eqqartoraanni nunaqavissut salliutinneqanngitsut.**
 - a. **Ujaqqat erlinnartut pinnerasaasiassat tassaagunarmata tunisassiarineqarsinnaasuni tamani, oqimaassusaat isigissagaanni, nalitunerpaat. Sooruna nunaqavissut salliutinneqanngitsut?**
 - b. **Nunat nunarsuarmi allat isigissagutsigit. Sumi nunami allami allamiut suliffeqarfiutaat ujaqqanut erlinnartunut salliutinneqarpat?**
 - c. **Nunatsinni nunaqavissunut ujaqqanik erlinnartunik ujarlernermi atuinissamilu sanilliutinneqarnissaat Naalakkersuisunit inatsisitigut tunngavilerneqarnissaa suliniutiginiarneqarpaa?**

d. Suunuku aatsitassat / ujaqqat nunaqavissuniit tunisassiaralugit katersorneqarsinnaasut?

(Inatsisartunut Ilaasortaq Anthon Frederiksen, Partii Naleraq)

Tunngavilersuut:

Partii Naleqqamiit assorujussuaq aatsitassarsiornermut ujaqqanillu pinnersaatissanik ujarlernermit atuinissamullu nunaqavissut salliutinneqarnissaat assut pingaartikkatsigu apeqqutitut siuliini akissummut nr. 2015-082-imut nangittumik qulaani apeqqutit akineqarnissaat assut pisariaqartippavut.

Paragraf 45c imatut allaqqavoq:

” §§ 45-45 a naapertorlugit aatsitassanik katersugaqarsinnaanermut paaasinnaanermullu ilaanngillat diamantit, safirit, rubinik, smaragdit, chrysoberylit, opali aamma aatsitassat radioaktivusut.

Imm. 2. §§ 45-45 a naapertorlugit katersisinnaatitaanermi imm. 1-imi taaneqartunut naleqqiullugit aatsitassat allat ilaatinneqannginnerat pillugit Naalakkersuisut aalajangersakkanik aalajangiisinnaapput.”

Suliffissaaleqineq annertoqaaq, taamaammat nunaqavissut allanit tamanit salliutillugit nunatta pisuussutaanik uumassusilinnik aamma uumaatsunik atorluaanerulernissaat tamakkiisumik tapersersortariaqarparput.

Apeqqutit ullut qulit suliffiusut qaangiutinnginnerini akineqarnissaat piumasaraarput.